

Das folgende Gedicht aus der Feder von Else Hanf entstand anlässlich des 10-jährigen Jubiläums des Evangelischen Jugendclubs Hüttenfeld (EJCH) im Jahre 1980.

EJCH

Vor gar net sou arg langer Zeit
.....s warn Mädcher un Buwe -
heit sind's Leit!
un dodezu - sou mög ich sage
hot a de Club mit beigetrage!
De Oafang domols – war'n Witz,
blouß Unnernehmungsgeischt - schunsch nix -
un heit, do glaab' ich selwer droa
..... des annre kimmt dann vun elloa.

Am alte Schoppe - vorne uff,
do mauern se e Mauer nuff,
e Tür noi, - 's war grad net sou schee
- doch domols wollt ma gar net meh
des war dann der Treffpunkt vum E J C H.
Evangelischer Jugendclub, kann ma a saa!

De erschte Vorsitz hot Pfarrer Grimm
er waaß, was gute Idee sin.
Er weckt viel Intresse - un ohne zu lenke,
gibt er vor allem Anstöß zum Denke.
Jetzt sieht ma uff oamol Möglichkeite,
Selbscht mol was Sinnvolles vorzubereite.
Selbschtverwaltung schreibt ma grouß
des will gelernt soi
s war was lous:
s werd diskutiert
üwwer Gott un die Welt
's wern Ausflüg gemacht
wann's geht - uhne Geld,
'n Clubrat gewählt, - die Sach war a "wichtig",
doch mancher Clubrat war a net "de richtig".

Disco-Partys - ich guck e mol noi
a - seh ich richtig - des kann doch net soi!
Des zu begreife war bißliche schwer
-die verhalte sich jo ganz annerscht wie mea!

"Herr Parre", sag ich, "die raache jo drin?!
Des is doch net richtig - sou wie die sin?
Die nemme sich a noch um de Hals !
Herr Parre! Do schenne Se doch e mol als !"

Der Parre, der lächelt - er nimmt des net wichtig.
Seitdem waaß ich a net,
was falsch und was richtig.

De Philipp merkt langsam a - wann er kreischt,
daß koaner sou tanze will, - wie er als geigt.

Wie werd des wern - denkt unseroaner?
Was hilft des Frooge, - wisse kann's koaner.
Ma kann nix Bessres tun - als waade!
Do wern mea plötzlich oigelaare!
Grad allminanner - vum E.J.C.H.
Mea warn voll Erwartung - des muß ich saa.
Zum Himmelfahrtstreffen
es war fascht'n Troam,
sou schee war's do owe
es wollt koaner hoam.
Fa jeden "Ebbes... war vorbereitet.
Jeder kann mache, was ihm sou leit.
Ma hot sich echt willkomme gfüht
un gern mol wia die Spiele gspielt,
die wu ma doch im Alltagstrott
schunn fuffzig Jahr vergesse bot.

Mea Fraue, - sou im Mittelalter
- tun Eier laafe!!! lieber Alter,
..... des war vielleicht 'n toller Sport
- bis ma geguckt hot, war's Ei als fort!

Wia druff uff de Löffel -
un weiter gerennt

mea warn do sou sportlich,
henn sunscht nix gekennt!
Die Schuh, die Strümp, die Fieß verstaabt –
Un jedi hot an de Sieg geglabt.
Des war e Gefühl,
vielleicht henn ma "gschpunne",
's war schenner wie im Lotto gewunne.
Doch is ma net blouß Eier geloffe.
Beim Pfeile schieße hot mancher getroffe.
Beim Trinke hot ma gemütlich gebabbelt
un zwischedorch sich uffgerappelt
zur Diskussion un a fas Quiz.
Die Würschtelcher dann später am Spieß
- viel schneller gebrote, als ma gedenkt,
- bis mas gemerkt hot, war'n se verbrennt!
Doch des hot a noch Spaß gemacht,
mea sitze am Feier - bis in die Nacht,
simulieren in die Flamme, -
wer hot schunn gewißt,
daß ma bei uns a romantisch is?

Unsern neie Herr Parre
des sei hier noch zu sage
hot sich als Mitglied schunn oigetragte.
Beim Kumme, - spontan - er war inspiriert,
un hot den Club a dann programmiert.

Wenn ich droa denk - im letschte Jahr,
der Club stellt die Passionszeit vor
"Passionsgeschichte" - wollt ich sage –
koans hot's je besser vorgetrage.

E werklichie Karfreitagnacht
henn die in unsrer Kerch gemacht.
Der Eindruck läßt sich net verwische
des muß ma wisse!

's wär noch viel zu verzähle
"es war einmal"
e selbschtgemachtes E J C H- Journal,
e Reis'noch Schwede, Kabarett,
- ich waß gar nemme alles
schunn lang iss passe.

Verständlich - weil e langi Zeit
kein Parre do war für die Leit,
un für de Club, der sich erhalte
die ganze Jorn noch selbscht verwalte
un überall un net zuletscht
sich immer do hot eingesetzt,
wu man gebraucht hot
"wunderbar" ,
daß er sou gut zu brauche war.

A drunne bei de Lorscher Narre,
der Erwin als Baby im alte Karre,
die Birgit, die Heidi - in oam paar Hosse,
der Bruno - Indianer,
die Steierts als Bosse vun Saudiarabien -
mit Schleier un Schelle
- mit Didi un Stucky uff heiterer Welle.

In "die" Zeit paßt halt manches noi,
was die Leit verännert
s muss wohl sou soi!

Was bleibt - is e Danke
vum Rest der Welt
dem E.J.C.H. vun Hüttefeld!